

նոցին, ուր երևեցաւ Գրիստոս Մարիամու Մագդաղենացւոյ յետ Յարութեան, և երարձ անտի զմի կանթեղն Հայոց և զմին եթող 'ի նշան, և փոխանակ այնր՝ զոր երարձեա կախել զկանթեղն Լատինաց, և ետ նոցա 2 սենեակս անդ 'ի պարտիզին՝ մին փայտաշէն և միւսն քարուկիր, և էառ 'ի նոցանէ զերիս կամարս 'ի Վերնատան, փոխարէն այնոցիկ զորս ետ՝ և բարձեալ զմիջնորմն խառնեաց յեկեղեցին Հայոց, որով ընդարձակեցաւ տեղին, եւ պայման եղին Լատինք յաւուր տօնի Զատիկի նոցին դնել 'ի պատուհանս Հայոց ընդ պատուհանաց իւրեանց զոյգ աշտանակս մոմեղինօք, և զկնի Տօնին բառնալ զայնս (1632) :

Գ Լ ՈՒ Խ Խ Խ Խ Խ .

Վ էճ Յունաց ընդ Լատինս սակս ինդրոյ Ս. Տեղեաց, և գրաւելոյ Յունաց զԳողգոթաց և զայրն Ծննդեան : Վ էճ ընդ Հայոց սակս Պատանաւտեղոյն : Սարայի վանքն : Հակաակութիւն Սերփացւոց և Վրաց :

ՊԱՏՐԻԱՐՔՆ Յունաց Թէոփանէ, որ զեզերէր 'ի դժբունս մեծամեծաց տէրութեանն 'ի Կոստանդինուպօլիս, յաջողեցաւ առնուլ հրովարտակ յԱրքայէ սակս գրաւելոյ զՍ. Տեղիս յերուսաղէմ՝ առ ընդ իւր և զերկուս արս 'ի դրանէ իբրեւ Մոսկովի, ընդ որս էր և Պայրամ անուն ոմն յազգէ Յունաց : Ի հասանիլ սոցա յերուսաղէմ ետուն ընթեռնուլ զհրովարտակն 'ի ժողովին այլազգեաց, եւ էառ 'ի Լատինաց Թէոփանէ զմին յերից բանալեաց այրին Ծննդեան 'ի Բեթղեհէմ, և կախեաց անդ զև կանթեղս . և եզ զերկուս աշտանակս մոմեղինօք 'ի մէջ այրին : Ապա ըստ մտաց հրովարտակին պահանջէր 'ի Լատինաց զմեծ եկեղեցին Բեթղեհէմի, և զերկօսին պարտէզս արտաքոյ նորին, զՊատանատեղին, և զոյգ աշտանակս, և զկանթեղս անդ, վերին և ստորին և կամարս Գողգոթայի, այսինքն գրովանդակ Սաշելութեան տեղին, որպէս էր յառաջագոյն 'ի ձեռս Հայոց, զորոյ զմի մասն յետոյ առին Լատինք 'ի Վրաց,